



東華錄卷八

湘源蔣良騏千之父

康熙二十二年二月奉旨張國柱高起隆俱
行處斬停其示衆張足法吳起豐王會從寬
免交內務府著入旗紅四月奎儀使趙良
棟疏言臣于康熙十八年四月疏請進兵不
十日而取徽州十一月疏請兩路進兵不十

日而取成都奉有上諭趙良棟若不克取成都保寧如何而得若不得保寧成都如何而守而部議保寧一路官兵功加十等成都一路官兵功加一等若是懸殊伏乞照例議叙又言臣於與康熙二十年九月內紙抵滇在總督金光祖營內會議令臣進重關下營取得勝橋翊日章泰改令蔡毓榮取得勝橋而蔡毓

榮之兵在重關也十四日未能取橋二十日
又公議令臣破南壩之賊取雙塔臣于二十
二夜破南壩奪玉皇閣安營二十五夜奪新
橋等處賊見我兵扼吭人心始亂郭壯圖自
縊吳世璠自盡二十九日城開此臣親率官
兵不三日而奏捷者也今蔡毓榮官兵討叙
加十三等而臣下官兵直入取城竟未討叙

乞飭部查叙。旨着王大臣會議。尋議趙良棟
目不急救建昌。以致陷賊。功罪相抵。無庸叙。
叙其標下官兵。照例叙。從之。六月。施琅
大破海寇于澎湖。賊渠劉國軒遁。七月。吏
部題查正一真人。從無賜卹致祭之例。應不
准行。其恩詔告命。應如所請。旨張繼宗現號
真人。即着照所襲銜名。給與誥命。一切僧道。

原不可過于優崇。若一時優崇，日後漸加繼。
肆，或別致妄為。爾等識之。海逆鄭克塽遣偽
官鄭平英等齎降表至施琅軍前。

上降勅撫之。八月，施琅題報。七月十五日，

鄭克塽遣偽官馮錫珪等齎降表詣軍前，請
繳偽冊印，率衆登岸安插。臣隨遣官持榜曉
諭兵民，驗視薙髮。至台灣地方千餘里，戶口

數十萬或棄或守伏候上裁又奏臣于八月
十一日自澎湖進發十三日入鹿耳門至台
灣十八日鄭克塽及偽官俱薙髮所有成功
子鄭總等六人克塽弟克舉等九人偽武平
侯劉國軒等子弟俱陸續移入內地尋加施
琅靖海將軍封靖海侯世襲罔替十月群
臣以海寇平請上尊號不許祭酒王士正

請修補國學所藏十三經注疏二十一史刻
板及飭督撫查明南監板令學臣收貯儒學
尊經閣中從之壬寅山西太原府地震命
尚書薩穆哈往勘被傷人數確議拯救以聞
乾清宮進講畢

上問理學之名始于宋否張玉書奏曰道理
俱在人心宋儒講辯加詳耳

上曰日用常行無非此理自有理學名目彼
此辨論朕見言行不相符者甚多終日講理
學而所行全與其言背謬豈可謂之理學若
口雖不講而行事脗合此即真理學也

康熙二十三年正月施琅奏台灣地數千里
人民十萬棄之必為外國所踞請設鎮守官
弁三月九卿等議振濟直隸河南請暫開

捐三個月停止。旨捐納事例無益，不准行。
四月，設台灣一府、三縣，延道一員，總兵官一
員，副將二員，兵八千，設澎湖副將一員，兵二
千。以旱，命大學士王熙等審理刑部重犯。

五月

上諭大學士等曰：前輔臣時有皂衣佐領下
一人，外作善狀，內懷兇惡，常為強盜于通州。

被擒有包衣大見之云而不悛改今事發矣
曰歷數其惡以鞭之之後鞫審時啣恨極陷
包衣大同為強盜同夥等云勿妄陷無罪其
人不聽此包衣大竟作法由此觀之天下此
等事不少朕常以此為念遇有重罪必反覆
推詳下部再議此寧失出無失入之意也
九卿詹事科道遵旨舉出清廉各官直隸巡

撫格爾古德、吏部郎中蘇赫、范承勳、江南學
道趙崙、揚州府知府崔華、兗州府知府張鵬
翮、靈壽知縣陸隴其等、

上諭兵部據阿達哈、番馬喇等奏、取羅剎
田禾、當不久自困、又侍衛閔保來奏、將軍薩
布素等亦以取羅剎田禾為然、則羅剎盤踞
雅克薩尼布潮、惟賴耕種、若田禾為我所取、

誠難久存。其令薩布素等酌議。或有陸路進
以所刈禾投江下流。或水陸併進。以所刈禾
船載以歸。六月。暹羅國王森烈拍臘。照古
龍拍臘。馬嘑陸坤司。由提呀菩挨遣陪臣坤
孛述烈。瓦提等。奏表進貢。

上諭。凡所貴道學者。必在身體力行。見諸寔
事。非徒託之空言。朕聞學士湯斌曾與中州

孫鐘元講明道學頗有寔行前典試浙江操
守甚善可補授江寧巡撫九月以東巡願
詔天下恩款十二條辛卯啟行十月庚子
上幸濟南府至趵突泉亭大書激湍二字又
書清漪二字于珍珠泉壬寅至泰安州登
泰山極頂書雲峯二字又書晉照乾坤四字建
亭懸于孔子小天下處丙辰

上登金山遊龍禪寺御書江天一覽四字又

幸焦山遂蘓州府幸十一月幸江寧府自江

寧回銮經泗水東境幸泉林寺

上指示曰此相傳子在川上處幸曲阜詣

先師廟行三跪九叩禮先師是御舟泊江都

具部伯鎮命吏部尚書伊桑阿工部尚書薩

穆哈往視海口諭曰朕車駕南巡省民疾苦

路經高郵寶應等處見民間廬舍田疇被水
淹沒朕心甚為軫念詢問其故具悉梗概高
寶等湖水下流原有海口以年久沙淤遂至
壅塞今將入海故道濬治疏通可免水患自
是往還每念及此不忍于懷此一方生靈必
圖極濟安全咸使得所始稱朕意爾等可往
被水災州縣逐一詳勘于旬日內覆奏務期

濟民除患。縱有經費。在所不惜。爾等休朕至
意。速行。十二月九日。卿等議覆。伊桑阿等。勘

閱海口一疏。請勅下河臣。親往車路。串場等
河。并白駒丁溪。草堰等口。逐一確勘。作何挑
濬。深澗。使高郵等州縣。減水壩一帶。運河水
口。引流入海。得旨。靳輔。見在督理黃河堤岸。
又令。漁海口。必兩悞。應另差官督理。尋以

安徽按察使于成龍經理海口及下河事務
一切事宜申詳新輔具題

康熙二十四年正月先是因將軍薩布素等
不能及時進取羅刹田禾降旨責之命都統
公九山等與薩布素等詳議應否攻取雅克
薩城至是會奏我兵于四月杪水陸並進抵
雅克薩招撫不納款則攻其城倘萬難克取

即遵前旨。毀其田禾以歸。議從之。又諭王

大臣等。兵非善事。不得已而用之。向者羅剎
無故犯邊。收我逋逃。後漸越界而來。擾害索
倫。赫哲。飛牙哈。奇勒爾諸地。剽劫人口。搶擄
村庄。攘奪貂皮。肆惡多端。是以屢遣人宣諭。
復移文來使。羅剎竟不報命。反擾害益甚。爰
發黑龍江兵。扼其往來之路。羅剎又竊據如

故不送還逋逃。應即剪滅。今大軍逼臨雅克
薩城。姑再以朕諭旨宣布羅刹。倘仍抗拒。則
大兵相機而行。回命^都統公彭春統兵副都統
班達爾沙階佟寶等。叅贊侍郎薩海。仍令督
耕。給事中楊爾淑疏請會試及順天鄉試。
四書題俱乞欽定從之。二月。

上以周公承接道統功德茂著。授後裔五經

博士撥給祀田修葺廟宇三月副都御史

張可前請將

駕幸闕里御書萬世師表遍額勒石頒給

各省府州縣學懸掛從之四月先師是斬輔

遵旨陳善後事宜查徐州河道僅寬六十八

丈束水不能暢流是以徐州迤上歲々漫溢

須于毛城舖添建減水閘一座王家山十八

里屯添建減水閘三座。北岸大谷山添建減
水閘二座。平日閉閘疏流。遇大漲則啟閘分
洩。以保徐城以上堤工。又睢寧縣西山夾峙
河面。僅寬百丈。河流又為一束。應于峯山龍
虎山之傍。開減水閘四座。又于歸仁堤添石
閘壩二座。並將便民閘改深五六尺。以資分
洩。又攔馬河。應再添石閘一座。使河流由閘

先進積水以養壩尾。又南岸各閘壩不特可
以殺黃流怒漲更可分引黃水注洪澤湖使
助淮流。但洪澤湖週圍數百里一時不能灌
滿恐仍有黃水倒灌運河之患。必再于清河
縣西建雙金門石閘一座。并于閘下挑引河
一萬餘丈。至于清河縣運口添建石閘一座。
更屬保運濟漕要工。肯導流之水總會于清

河縣水勢既強必致踰越堤岸此減水壩雖
有益于河工寔無補于百姓不可不熟計至
是九卿覆議差徃閱河郎中抗靄言有益黃河
堤岸運道民生應令建造從之副都統

馬喇等言臣遣打虎兒副頭目倍勒爾等徃
雅克薩城北生擒羅刹七人回遞送至京
蠲免直隸八府康熙二十三年未完地丁錢糧

其順永保河未經圈占地方及真順廣大等

處二十四年應征地丁各項正賦俱免三之

一六月戶部議都御史姚締虞疏稱生員

優免廩生餼糧伏乞勅部詳查酌覆等因查

順治十四年四月內原任台臣馬騰陞題為

釐剔優免夙弊以甦民困一疏內稱紳衿優

免或一人而免數十丁以一戶而免千百畝

甚至包攬姻親受人投靠概入己戶竟不循
例當差貽累小民臣等議此項優免地糧人
丁係俸薪之外自一品以下至襍職生員吏
承止免本身丁徭將優免丁糧悉應停免以
充兵糧等因具題通行在案將姚締虞請復
優免之處毋庸議其廩生餼糧查順治十三
年九月內議政王等會議因錢糧入不敷出

將每年廩膳銀二十九萬二百二十七兩三錢零應裁三分之二等因具題遵旨通行在案後將所支一分全裁今姚締虞請復廩生餼糧以培養士氣等語應將廩生餼糧准其支三分之一可也依議

上巡幸塞外是日出古北口途次侍郎明愛遣撥什庫馳報稱都統公彭春等帥師抵雅

克薩城下，遵諭旨宣示，不忍加誅。洪恩、羅剎不肯遷歸，于是分水陸兵為兩路，將助威大將軍等火器移置于前。五月廿五日，並進急攻。羅剎城守頭目額里克舍等勢迫乞降，將羅剎所部官兵及婦女童稚立視遷歸，收回逃人，恢復雅克薩城。以捷音傳知諸王大臣。七月，即中包奇遵旨，以五尺細丈詳加丈量。

自吉林烏喇城至黑龍江城共一千三百四十里應設十九驛從之九月御史錢珏遵

旨指寔陳奏山西巡撫穆爾賽多加文水等

縣火耗嫁女時索屬員礼物革職通判張謙

交結該撫家人妄詐屬官財賄布政使那鼐

收銳稅多征銀兩事九卿等覆請將穆爾賽那

鼐提至京師嚴審從之新輔言臣赴河南

觀勘黃河西岸工程。如考城、儀封等縣，應築堤工，共長七千九百八十九丈。封邱縣、荊隆口，應築大月堤，三百三十丈。滎澤縣，應修築埽工，二百一十丈。此工告成，不特河南無虞，又可為江南保障。從之。王大臣遵旨議覆。墨爾根地方，最為緊要，應築城設兵。令將軍薩布素及副都統一員駐札。黑龍江設都統。

一員駐防五百兵從之。

九卿等議覆總

漕徐旭齡條奏漕糧派索諸弊應將歷年派
索官指名題叅

上諭曰此等弊端相沿已久必令指名題叅
則後來督撫難于條奏矣可着該督撫嚴禁
務在遵行部議江蘇巡撫湯斌言常州降
調知府祖進朝請留原任應不准行得旨議

官原以愛養民生。湯斌保奏。祖進朝清。廉地方百姓。莫不同心。懇面可從。所請以勸廉吏。

十月工部進呈修治京城道塗冊。

上曰。工^價支給尚少。宜稍增加。至修治小路。

若責之居民。則貧人苦累矣。令如大路估算。亦錢糧給之。丙午。五色慶雲見。九卿議。

靳輔言。高寶等七州縣下河。應築堤。高過海。

潮于沿海口地方挑河白駒塲等处建閘諸
工需銀二百七十八萬餘兩請先撥銀一半
僱工涸出額餘官田收佃價償還又高家堰
應加密排椿丁頭小埽再于堤裏挑小河築
束水堤共需銀五十三萬餘兩請先撥三十
萬兩又黃河兩岸築堤工銀一百五十八萬
餘兩請先撥五十萬俱應准行

上諭曰、請斬輔題治下河之策、在築堤束水、
以注海、其工費、將涸出田畝所佃價、償還、朕
思田畝涸出、便當與民墾種、若取田償、恐致
累民、至高家堰、幫築工程、寔為緊要、朕南巡、
見前人創高家堰、以捍洪澤諸湖、頗有深意、
此堰或潰、黃河亦難保固、至黃河兩岸堤工、
似存可緩、况三工並舉、需費甚多、恐國用不

敷着詳議尋命靳輔按察使于成龍馳驛來
京與九卿等詳議十一月免河南湖北康

熙二十五年地丁各項併及廿四年未完地丁

錢糧又直隸猗縣河間縣河間衛江南宿遷

興化邳州高郵鹽城山東郯城魚台今年重

罹水災所有康熙二十四年下半年廿五年

上半年地丁各項悉免之大學士等奏靳

輔于成龍來京。臣等遵旨問河工事宜。靳輔
議開大河。建長堤。高一丈五尺。束水一丈。以
敵海潮。于成龍議。開濬海口。故道。臣等不畫一
臣等從靳輔議。通政叅議成其範。科道王又
旦。錢珏等。從于成龍議。

上命傳問高寶興。鹽山。江泰。七州縣。見任京
官。本地人所見。必確。兩說孰是。直言無隱。尋

召問起居注官侍講喬萊河工事。喬萊奏曰。
從于成龍議。工易成。百姓有利無害。從靳輔
議。工難成。田舍墳墓傷損多。且堤高一丈五
尺。束水一丈。比民間屋檐更高。伏秋一旦決
潰。為害不淺。

上曰。朕欲極生民耳。^救若有害于民。如何可
行。成龍所請。錢糧不多。又不害民。姑從其議。

着往興工尋命工部尚書薩穆哈學士穆稱
額速往會同徐旭齡湯斌詳問地方父老回
奏

康熙二十五年二月先是薩穆哈穆稱額往
勘下河請暫停開濬九卿議允得旨海口不
開濬則泛溢無歸濬之使水有所洩高郵等
處浸淹田畝可以涸出令集議至是九卿奏

奉差大臣及該督撫親問河濱百姓僉謂挑濬海口無益應行停止。

上問于成龍云何曰于成龍言開濬海口必

修治串場河共約百餘萬臣等以此工果有益即千萬亦所不惜今以百萬帑金嘗試于未必可成之工不若留此以備各處振濟上曰海口關係民生自應開濬今僉取止且

視今歲水勢如何再酌之。伊桑阿、薩穆哈、
勘明應挑^濬海口、疏畧云：臣等詳勘得山陽、
寶應、高郵、江都、泰州、興化、鹽城等州縣之水、
原從車路河、白塗河等處流入運鹽串場河、
出白駒場、丁溪場、草場^壩、劉莊場等十餘口、由
苦水洋、閩龍港、信陽港、廟灣入海。今因年久、
車路等河、串場河及各場出口俱被沙土

淤淺比高郵興化等處河身反高以故水雖
仍流而蓄水不能出口今將減水壩一帶運
河水口決濬導流將會流串場河之車路等
河及串場河白駒丁溪草堰場等口俱挑濬
深闊引高郵等州縣蓄水入海始免水患

據李天馥議丁溪草
堰白駒岡門共四工
先是郎中滿丕等奉命
確探羅剎情形至是奏額禮克謝率五百餘

人復至雅克薩依舊址築城

上以不速撲滅勢必積糧堅守圖之不易今
將軍薩布素等姑停遷移家口如前所請速
修船艦統領烏喇寧古塔官兵馳赴黑龍江
城至日率所部二千人攻取雅克薩城松
威道王鴈入覲奏四川楠木採運艱難請停減
上曰蜀中屢遭兵燹朕甚憫之豈宜重困今

塞外松木材大可用者甚多何必楠木着停止。四月先是靳輔言高家堰一帶臨湖堤上長一萬五千六百餘丈必密釘排椿加土壓埽以禦風浪再堤內離堤七八十丈必另挑運料小河即取所挑之土築束水堤一道約長一萬一千五百丈束大堤積水以便運料運土搶救工程又上自武家壑下至楊家

廟舊有河形。目今淤淺。應挑深復舊。約長四千丈。挑起之土。即幫兩岸堤工。又自楊家廟至寶應湖邊一帶。平堆計長四千丈。應挑河一道。以引上流減洩之水。直達大湖。且為運料之路。以上四工。共計銀二十一萬四千餘兩。請先借撥庫銀。容臣飛星趨竣。其餘工程俟收下河屯墾官田。籽粒佃價等項陸續興

舉又言黃河南北兩岸應築束水堤長三十
萬丈頂寬二丈底寬六丈高八尺需費一百
五十八萬四千兩查各州縣被水淹廢湖堆
築堤束水之後可以涸出開墾計得四萬餘
頃令民佃種納糧則挑河築_堤之費可以稍
補乞准借撥庫銀五十萬兩先為興工其餘
不敷俟陸續分收籽粒并田價銀兩逐漸接

濟定限六年告竣工完之後不特向來蠲除
災荒額賦可以盡復而每歲更可加增新賦
十餘萬矣而俱奉有再行確議之旨至是靳
輔回奏俱復請數撥給興工下部議行

諭禮部翰林院自古帝王致治隆文典籍俱
備猶必博採遺書用充祕府蓋以廣見聞而
資掌故甚盛事也朕由心藝文晨夕披覽雖

內府書籍篇目粗陳而裒集未備。因思通都
大邑應有藏編。野乘名山豈無善本。今宜廣
為訪輯。凡經史子集除尋常刻本外。其有藏
書祕錄作何給值採集及借本抄寫事宜。爾
部院會同詳議具奏。務令搜羅罔軼。以副朕
稽古崇文之至意。 閏四月。禮部等遵旨。議
覆。購求遺書。應令直隸各省督撫出示曉諭。

如得遺書令各有司會同儒學教官轉詳督
學及該督撫酌定價值彙送禮部其無刻板
者亦令各有司催募繕寫交翰林院進呈有
願自行呈送者交^禮部彙繳得旨自古經史書
籍所重發明心性裨益政治必精覽詳求始
成^內聖外王之學朕披閱載籍研究義理凡欣
指歸無期于正諸子百姓泛濫竒詭有

乖經術、今搜訪藏書善本、惟以經學史乘、是
有關係修齊治平、助成德化者、方為有用、其
他異端詖說、概不准收錄、禮部尚書、管唇

事、府事湯斌、由江寧巡撫、陞任至京、陞見、

上曰、天下官、有才者不少、操守清謹者、不多、

見爾前陞辭時、自言平日不敢自欺、今在江
蘇、澤已率屬、寔心任事、克踐前言、朕用嘉悅、

故行超擢尔其勉之

上歷詢吳中年歲風俗并地方吏治民生縉
紳居鄉若何又問下河開海口事何如湯斌
奏曰

皇上命尚書薩穆哈侍郎穆稱額等與總漕
徐旭齡及臣詢問下河民情臣等遍歷海口
各州縣人衆言雜不能畫一即州縣水道海

口亦不相同大約其言以開海口積水可洩
但今年荒歉四分工銀恐不足用惟高郵興
化之民聞築堤開河恐毀其墳墓廬舍甚言
不便部臣公議以築堤取土艱難工必不成
且毀人墳墓廬舍非

皇上軫念民生之意而工程浩大恐多費帑
金不能奏績不如暫停為便臣與徐旭齡議

以目下遍地皆水，工力難施，暫停未為不善，遂同具題，但念此事乃我

皇上巡狩江南，親見民間房屋淹沒水中，痼疾念切，隨命大臣相視海口，簡選賢能，開口洩水，真堯舜之心。今議輒停則可，若竟中輟，非臣子所敢擅議。且上流之水涌而下，下流無一去路，不但民間田地永無涸期，且恐

城郭人民將有不測之患。如去年興化城內
水深數尺。萬一再遇水災。一城付之巨浸。臣
等何所逃罪。若去開河口。則水遂盡涸。臣固
不敢為此言。但水有去路。開一丈。則有一丈
之益。開一尺。則有一尺之益。使浮溢之水漸
去。則舊日湖河之形可尋。再加疏濬築防。工
夫自有次第。然舉事當念民生。尤當重國計。

若多費帑金而水不能盡涸非長策也請無
多發帑金止于七州縣錢糧中酌量款項暫
停一二年起解畝為修河之用此外再行設
法總之以本地民力本地錢糧開本地海口
心既專一工不悞用不作大舉不多設官漸
漸做作當有成效此意向曾與薩穆哈等言
之

語似應與

上召問穆稱額曰湯斌語爾回時何以不奏
穆稱額曰臣等與湯斌等同至河干看視又
傳問七州縣民皆云此水漫決日久今欲開
濬海口其事甚難其挑濬下河高處使積水
歸海等語湯斌並未向臣言又名問薩穆哈
對曰臣同踏看海口集問百姓皆言不便臣
等以所費不貲故訖輒傳至湯斌挑濬下河

語間談時誠有之。並有公同商確寔語也。^未

上命大學士等以開濬海口事傳問九卿及
淮揚所屬之在京官員。五月大學士等覆
奏。臣等遵旨^問九卿及淮揚等處現任京官喬
萊等據喬萊等云積水須有去路開一尺
有一尺之益開一丈有一丈之益雖抵窪之
地未必盡涸而諸壩所減之水淹沒田地斷

能涸出。但得寔心任事。為國為民之人。自然
成功。七邑錢糧有限。又曰災傷蠲免。畢竟

上皇發帑金救民。更速等語。據九卿云。先薩
穆哈。穆祿額。前往相度海口。以水勢甚大。難
以開濬。因訖。輒傳湯斌。原任江南撫。所見必
確。今祿開海口。有益政。復益應開。

上曰。衆議共祿應開。薩穆哈。穆祿額。為何以

為不可。彼但憑信高成美之言。自今全不曾
詳察耳。此事必須委用得人。方可成功。孫在
豐有才。着發內帑二十萬兩。前往督修。功若
可成。再酌量動支正項錢糧。六月甲戌。九
卿遵旨。訖覆。河道總督靳輔。應革職。畝任。
上曰。靳輔去畝。有何關係。但另補一人。必塞
減水壩一塞。則河堤萬不能保。爾等可有兩

全之法否。九卿回奏曰：若目前竟塞減水壩，恐一時潰決，受害重大。俟河底刷深後，減水壩方可不用。

上曰：爾等意見相同否？湯斌奏曰：臣原不知河道情形。因舊年奉旨往徐州一帶看視河形，見減水太多。舊時只有四處，今增至三十餘所。目前若竟行堵塞，恐黃河衝決堤岸，民

田仍受其害。若不行堵塞。恐水勢分散。河流
緩弱。則河底漸高。運道有礙。臣愚欲將減水
壩稍築加高。若水大。仍可分洩。水小。俱使歸
道。則河底日遂刷深。水無泛溢之患。減水壩
亦漸可堵塞矣。工^部尚書杜臻曰。築堤開減水
壩。原是古人成法。但古人先開引河。使水有
所歸。不致漫溢民田。今新輔。但開減水壩。

未開引河。此民田所以淹沒也。尋奉旨。新輔
輒免草職。仍令督修。草尚書薩穆哈侍郎
穆稱額職。以勘河回奏失寔也。七月。侍郎
孫在豐等。陞辭。

上諭曰。朕特發帑金。拯救七邑災民。命爾前
往淮揚所屬下河一帶。車路等河。并_串遷場河。
白駒丁溪。草堰場等口。挑濬事務。宜悉心區

處使海口疏通。丞民復業。九月免直隸順

永保河四府及四川貴州兩省康熙廿六年

地丁各項錢糧及廿五年未免錢糧免湖廣

湖南福建兩省康熙二十六年下半年二十

七年上半年地丁各項及廿五年未完者

鄂羅斯察漢汗上疏乞撤雅克薩之圍

上諭察漢汗以禮通好朕本無屠誠城之意其

之字下似應有全字

令薩布素等撤兵收集一所近戰艦立營并
曉諭城內羅刹聽其出入毋得妄行攘奪

鄂羅斯後使之定議十月部察孫在豐

疏言疏濬之法開濬不如循舊築高不如就
低因勢利導逐節疏通一由廟灣迎流而下
約濺水十之四一由天妃石碇順流而下約
濺水^十之二一由白駒丁溪諸場分流而下約

洩水十之三其餘一分由芒稻河導之入
江至蔣串場一河綿亘范公堤一帶既為鹽
艘利涉又會諸引河之水傳送各場以出海
口最為關鍵而河身淤墊亟為開濬上而涇
河黃埔子嬰之間舊有通潮閘減水閘下而
海口舊有各場諸閘並應建修臣等議孫在
豐既稱蔣者宜先濬若者宜後濬俟挑完日

改滾水壩為閘。將串場河。令鹽商挑濬。應如
所請。旨如議。改滾水壩為閘座。看孫在豐會
靳輔確議。十二月。孫在豐題。先後海口應
挑石碇等處。興工。請勅河臣。如遇水勢衝減。
即將滾水壩。盡行閉塞。以便開濬下河。
上曰。孫在豐等。果如此具題。其不能與靳輔
抗明矣。今若不閉壩。則下河一面挑濬。上河

一面放水。何日方有成功。若即閉塞。日後遇
河潰決。則靳輔借以為詞。大學士等請令二
人來京面陳。

上曰。此下河決。宜開濬。斷不可止。孫在豐不
必來京。堵塞堤閘之處。孫在豐何敢輕言。若
日後上河潰決。渠能任其咎乎。在豐所請不
過上河不放水耳。假使靳輔治理下河不塞。

水口能于巨浸中從事乎。靳輔前疏欲將諸
口閉塞。今孫在豐為之。又云不可。豈非有阻
撓意。名靳輔來京面問。免直隸真順廣大
四府二十六年地丁各項錢糧。

康熙二十六年正月大學士等奏。臣等詳問
靳輔。據云高郵州南兩大減水壩。自正月可
塞至五月。其三小減壩。^水自正月可塞至三月。

高郵北其壩亦有可塞處惟高家堰之壩斷
不可塞。

上曰開濬下河其要不在高郵之壩惟在塞
高家堰之壩今不塞高家堰之壩止塞高郵
州之壩何益之有湯斌奏雲梯閘與前不同
若塞^高家堰之壩則淮水盡入黃河黃水無
倒入淮河之理從前河堤單弱不築減水壩

則黃河必致潰決。今堤既高堅，若塞堤壩，使
水歸一路，則沙不停壅，河身漸深。今新輔惟
恐黃河潰決，于南岸毛城鋪等處築減水壩，
令黃河之水入洪澤湖，湖不能容，又于高家
堰築減水壩，令入運河，運不能容，又于高郵
州等處築減水壩，令入七州縣。今七州縣水
無所歸，不但七州縣之民被災，二三年間黃

水淮水及三十六湖之水並皆停蓄泛濫則
漕運亦可慮今

皇上令塞高家堰之壩修理下河不特七州
縣漸安即理漕運亦永受其益靳輔奏桃濟
下河使積水入海雖云善策但海水倒灌可
慮

上曰海水斷無倒灌之理今若將黃河南岸

毛城鋪等處減水壩閉塞則黃水不入洪澤
湖湖止有灌水則高家堰堤可以暫塞一年
爾等再詳議大學士等遵旨覆奏開濬下
河應塞減水壩

上問靳輔曰毛城鋪一帶閘壩可閉塞否輔
曰永塞不便可暫塞一年

上曰欲開下河須塞上流若但塞高郵州之

五壩不塞高家堰于事何益輔奏曰前孫在
豐止議高郵州未及高家堰今

皇上所見最為洞悉臣何敢欺隱高家堰之
壩亦當如聖諭閉塞也 諭工部下河工程

今年著止將高郵州大小壩及高家堰閘壩
照靳輔等所奏定限堵塞令孫在豐等挑濬
海口其黃河南岸閘壩著于來年堵塞一年

其高郵州高家堰等閘壩既限期堵塞着孫
在豐速脩工料人夫自今年十二月興工挑
濬下河勿致違悞五月部議廣西撫吳起
元言新陞學道陸祚蕃由原任登萊道任赴
粵路遠即改歲作科亦難遍及請改鄉試期
于十月舉行從之七月^吐主謝圖汗奏鄂羅
斯遣使請和已抵臣境

上命薩布素等統兵還黑龍江。墨爾根。戶

部請裁公費。

上曰。目下國計充裕。所爭不在于此。况貧官
需此以資生者甚多。豈可盡裁。著仍照現行
例行。九月丁亥丑時京師地震。是月丙子朔

十月特准順天鄉試。浙江錢塘監生查嗣韓。
福建候官貢生林文英。五經中式。大學士

等奏前靳輔疏稱高堰家之外再築重堤請停
丁溪等處工程奉旨問于成龍今于成龍覆
稱桃下河有益于民若照靳輔修理則民反
受其害

上曰桃濬此河原欲有益七州縣生民靳輔
稱高家堰等處築堤以為屯田可復百餘萬
錢糧朕從利益民生起見非為錢糧也此桃

河閼係緊要。着尚書佛倫侍郎熊一繡給事中達奇納趙吉士會江南總督總漕確勘議奏。十一月諭曰。向者原有風聞糾彈之例。輔政大臣停止。今年行此例。貪官似有微懼。可傳諭九卿詹事科道。免江蘇陝西二省二十七年應徵地丁各項錢糧。及二十六年未完錢糧。十二月尚書佛倫等查看河工。

回奏河臣靳輔疏請築高家堰重堤束洪澤
湖水盡出清口併黃河兩岸立閘分洩黃水
而撫臣于成龍又奏下河宜挑不宜停重堤
宜停不宜築彼此意見不合臣等會勘上下
河道知高郵等七州縣水患皆因洪澤湖水
從減水壩東注高郵寶應邵伯三湖流入漕
河又從高郵城東堤減水壩流入下河以致

七州縣民田被水淹沒故治下河必先塞上
流使上流之水不得東注下河則保守高家
堰水出清口自為第一要着臣等閱視高家
堰地勢應如河臣原議史家店以南石堤以
東築大月堤使六壩所減之水由重堤以內
流出清口自不致衝突堰堤但洪澤湖水流
入漕河漕堤關係緊要宜行減洩應將淮安

以北五又河閘開濬引水出草灣入海至淮
安寶慶濶河等處亦應開濬引水由射陽潮
建廟灣入海其高郵城東堤五座減水壩修
下河水患之原今安府^淮南北既經開濬此處
但應堵塞黃河兩岸付家莊^性灣等處建石
閘三座分洩黃水入海仍照原議外惟安東
縣五里墩建閘洩水由鹽河入海恐開閘之

之處逼近安東寔屬危險應將石閘移建城
東再者得下河形勢現在流通今既堵塞上
流盡注清口則下河水勢自然漸減應將白
駒丁溪草堰三口各工盡行停止其修築月
堤并澗河等處開濬建閘所需錢糧應令河
臣確估題請旨九卿詹事科道會議 己巳

子時
二十
五日

太皇太后崩于慈寧宮。

康熙二十七年正月，御史郭琇疏參靳輔治河無功，阻撓下河開濬。又尚書王日藻等議靳輔疏請屯田，有累于民，請行停止。至高家堰之外，再築一堤，應如所請。

上曰：朕南巡河上，形情頗深悉之。今欲築重隄，使水由清口入海，若果有益，當日何以不

早築高郵等七州縣百姓苦累異常朕目擊
心傷今于堤外又築一堤是重困小民矣至
于屯田有利于廷臣而害民寔甚江南人莫
不嗟怨尔等寧不聞耶以郭琇叅本令九卿
會議江西撫王隲廣東撫朱宏祚陞辭諭
曰建撫以操守為要大法則小廉百姓俱蒙
福矣朕事以百姓為念尔等到地方一切

利害有関百姓者不妨事事奏聞又曰為大吏者亦須安靜則為地方之福安靜允貪汚吏先當訓誡之始終不悛再行叅劾可也

二月總漕慕天顏言臣等會勘河工河臣靳輔議築高家堰重堤臣等議修高家堰舊堤後尚書佛倫等奉命再勘皆從靳輔臆說臣不敢附會且河臣倡舉屯田一事屯官丈占

民田百姓苦累臣據寔奏聞旨着九卿等察
議先是御史郭琇疏題為特列大臣背公
結黨納賄營私仰請 乾斷立賜嚴譴以清
政本事臣聞自古帝王御天下之道舉直錯
枉而已堯舜之世未嘗不有共鯀驩兜堯舜
始焉因其才而姑用之繼焉知其奸而誅殛
之故堯舜之世稱為極盛我

皇上聖德純粹聖鑒淵深與放勲重華異世
同揆臣竊見

皇上用人行政孜孜求治惟恐一夫不被澤
一物不得所私竊歎頌誦千古難遘迩者幾務
之地奸邪逞詐植黨類以樹私竊威福以惑
衆日益縱肆

皇上灼知情偽于一切用人皆由

宸聰獨斷中外翕服無不踴躍思奮臣蒙
皇上破格超擢感激流涕莫知所以為報竊
自念職在糾彈仰体堯舜之心輒效鷹鷂之
逐謹將大學士明珠余國柱背公營私寔跡
臚列具呈于左一凡閣中票擬俱由明珠
指麾輕重任意余國柱承其風旨即有舛錯
同官莫敢駁正

皇上聖明時有詰責乃漫無省改即如御史
陳紫芝叅劾湖廣巡撫張汧疏內并請議處
保舉之員

皇上面諭九卿應一體嚴處乃票擬竟不之
及則保舉張汧原屬指麾即此可見矣一
明珠允奉諭旨或稱其賢則向彼云由我力
薦或稱其不善則向彼云

上意不意則吾當從容挽救且任意增添以市

恩立威因而結黨群心挾取貨賄至于每日

啟奏畢出中左門滿漢部院諸臣及其腹心
拱立以待皆密語移時

上意無不宣露部院衙門稍有關係之事必
請命而行一明珠連結黨羽滿洲尚書則
佛倫葛思泰及其族姪侍郎傅腊塔席珠等

漢人之總攬者則余國柱結為死黨寄以腹
心向時凡會議會推皆佛倫葛思泰等把持
而國柱更為之囊橐惟命是聽但知戴德思私
門一凡督撫藩臬缺出余國柱等無不展
轉販鬻必索及滿款而後止是以督撫等官
愈事剝削小民重困今天下遭遇
聖主愛民如子而民間猶有未盡足者皆債

官搜索以奉私門之所致也。一康熙二十三年學道報滿之後應陞學道之人率往論價九卿選擇公然承風任派缺者皆預定由是學道皆多端取賄士風文教因之大壞。

一靳輔與明珠余國柱交相固結^歷年糜費河銀大半分肥所題用河官多出指授事^遇以

極力庇護

皇上試察。新輔授任以來。請^益~~亦~~錢糧幾何。通盤一算。則其弊可知矣。當_下河初議開時。彼以為必委任新輔。欣然欲行。九卿亦無異辭。及

皇上欲另委人。則以于成龍方沐聖眷舉出。必當

上旨。而成龍官止臬司。可以統攝。于是議題

奏。仍屬靳輔。此時未有阻撓意也。及靳輔張
大其事。與成龍議不合。于是始一力阻撓。皆
由倚托大臣。故敢如此。天鑒甚明。當洞悉靳
輔累。抗拒明詔。非無時特而然也。一科道
官。有內陞出差者。明珠余國柱。率皆居功要
索。至于考選科道。即與之訂約。凡有本章。必
須先行請問。由是言官多受其牽制。一明

珠自知罪戾見人輒用柔顏甘語百般款曲而陰行鴛害意毒謀險最忌者言官恐發其奸狀當佛倫為總憲時見御史李時謙累奏稱旨御史吳震方頗有叅劾勅即令借事排陷聞者駭惧以上各款但約略指叅之明珠一人其智足以窺探上旨其術足以彌縫罪惡又有余國柱奸謀

附和負恩之罪書之罄竹難盡

皇上鼓舞臣僚責其寔心報效臣受非常殊
眷若捨豺^狼而問狐狸卽為辜負

聖恩臣罪涿大臣固知其黨羽寔繁睚眦必
報恃有

聖主當陽何所畏忌伏祈

建威立加嚴譴簡用賢能俾贊密勿天下人

情莫不欣暢感戴

聖明無疆仰祈

皇上睿鑒施行謹題請旨康熙廿七年二月

初六日題本月十一日

案郭琇疏稿寔錄不載編尋內閣紅本亦無有此從郭琇華野集錄出奉旨補入明珠傳

上諭吏部國家建官分職經理庶政必須
矢志清白大法小廉各守職業寔心任事庶
無負拔擢簡用之意朕親理萬幾歷有年所

于尔部院大小官員行事無不深知為臣子
者既儋爵受祿榮及父母庇其子孫家能自
給便當知足無致墮越前已屢頒諭旨嚴行
申誡又復諄々面諭訓誨再三今在廷諸臣
自大學士以下有執掌官員以上全不恪勤
乃職惟知早出衙署偷安自便三五成羣互
相交結同年門生相為援引傾陷商謀私事

徇庇同黨圖取貨賂作弊營私種々情狀確
知已久九卿詹事科道皆朕委任之員凡遇
會議自當各出已見公同商酌乃一二欲行
倡率之人持議于前衆遂附和于後雷同草
率一意詭隨又其甚者雖在會議之班茫無
知識隨衆畫題希圖完結廷議如此國事何
憑又有當集議時緘默默自容及至僨事巧于

推卸朕深惡此等推諉苟容之輩亦屢加嚴
飭至于用人關係重大群臣賢否難以周知
故于緊要員缺特令會同推舉原期為國得
人寔為裨益亦欲令被舉者警心惕慮恐致
溺職累及舉者因而勉自刻勵凡卿諸臣宜
體朕心從公選舉方為不負委任乃歷來所
舉官員稱職者固有而貪黷匪類往往敗露

此皆瞻徇情面。植黨納賄所致。凡茲情弊。朕
非不知。前者班布尔善。阿思哈等。身為大臣。
所行悖亂。致干憲典。遂行正法。至今猶耿于
懷。是以比來大小官員。背公徇私。交通貨賄。
朕雖洞見。而不即指發。冀其自知罪戾。痛加
省改。庶可終始保全。詎意積習深錮。漫無悛
悔。如審擬蔡毓榮一案。庇護挽救。瞻徇黨類。

百計營求_目朕俱悉其奸私謀未遂近差塞楞
額往審張汧所叅事情朕面諭塞楞額張汧
居官貪穢尔宜嚴行審出迨差回時詢問
塞楞額奏稱臣于此案盡心研鞫若有失寔
甘受誅戮及覽其奏案惟恐累及保舉張汧
之人竟為庇護朕知內閣原擬票簽將保舉
張汧官員并未訖及業行折出又念張汧審

結定案之後自然發露。因仍用原簽票發。又
靳輔下河工程屯田之案。朕早已察其情弊。
特遣佛倫等前往勘議。今所議殊屬偏私。且
凡會議之時。科爾坤佛倫等務執己見。持論
好勝。苟非懷挾私情。何以力排衆議。朕亦曾
面加誡諭。未見畏悔。如此積弊。愈久愈深。物
議沸騰。輿情憤激。以致言官列款叅奏。本應

發明其事。以肅官方。因不忍遽行加罪。大臣
且用兵之時。有曾效勞績者。故免其發覺。勒
德洪、明珠着革去大學士。交與領侍衛內大
臣酌用。李之芳着休職。致回籍。余國柱着革職。
科爾坤着原品解任。佛倫、熊一瀟等着革任。
于河工案內完結。嗣後大小工臣各宜洗滌
肺腸。痛改陋習。潔已奉公。勉盡職掌。以副朕

寬大矜全咸與惟威新之至意



